

تعبت كثير أنا بعدك

عبد القادر عياد

الناشر

دار الفراعنة للنشر والتوزيع

عياد ،عبدالقادر عيد
تعبت كثير أنا بعدك
أشعار بالعامية المصرية
تعبت كثير أنا بعدك – عبدالقادر عيد عياد
الناشر: دار الفراعنة للنشر والتوزيع
رقم الإيداع بدار الكتب والوثائق القومية
2019 /14684

الترقيم الدولي
978-977-6668-45-4



دار الفراعنة للنشر والتوزيع والترجمة

إهداء

إلى كل قلب ينبض
إلى كل رجل يعشق
أهديكم
قلب امرأة
شكّله العشق

عبد القادر عید عیاد

و ب أتأسف على التأخير

للشاعر / عبد القادر عياد

و ب أنه لك
ب شوقي إليك
تعالى
يا أغلى ما عندي
خلاص عمري
ما ه أقسى عليك
ولا ه أتخلى
عن وعدي
و ب أتأسف
على التأخير
و ب أستسمح
بقالي كثير

و ب أتأسف على التأخير

ب أعيد لك كل أشواقِي
حبيب قلبي
أنا ه أعلن
لعشاقِي
آهات حبي
ه تتسلى ب حكاياتِي
و تحكيها
في كل مكان
و تتعلق بهمساتي
و تعلنها
بكل أمان

و ب أتأسف على التأخير

أنا عمري
ما ه أتهدنا
حبيبي لو
ه أسيب أمري
عرفتك
كانت الجنة
فكيف أتخلي
عن عمري
أنا عايزاك
ب نرفزتك
و تسبيلك
سعادتي معاك
و ب أعشق
صبحك و ليلك

و ب أتأسف على التأخير

حبيبي
مهما تكرهني
هـ تلقاني في أخلاصي
و مهما البعد
توهني
فحبك هو نبراسي
حياتي
كل أحلامي
اللي ب أهواها
وأفكاري
و نجواها

و ب أتأسف على التأخير

طب أستنا ..
ما تظلمنيش
و فكر تاني
في حياتنا
أنا بعدك
ما ه أقدر أعيش
ولا ه أنسى محبتنا
أنا قلبي ب يسألني
ه تعملي أيه ؟
و أنا ساكتة ،
ومش قادرة ..
أرد عليه

و ب أتأسف على التأخير

ولسّايا
على عهدي
و شوقي
لِسّه من شوقك
وأحلامي اللي
ب تعدي
و أنا متعلّقة
في طوقك
و فرحانة ..
و مبسوطة
و أملي كبير
و عارفة
إنها شوطة
و قلب يغير

و ب أتأسف على التأخير

هـ أَجْمَع
كل أشعارك
وهـ أَلْضَم
عقدك اللولي
وهـ أَعْلَن
إن مشوارك
حياتي
مهما يحكوا لي
وهـ أَفْضَل ..
حبك الباقي
وهـ أَبْعَثْ لَكِ
بأشواقِي

و ب أَنُاسِفَ عَلَى التَّأخِيرِ

تسيب الدنيا
خدني معاك
و ما تصدّقي
أوهامك
و صدق قلبك
اللي حماك
و سلمني لأحلامك
أنا عمرك
ما تبعدشي
و عن أمرك
ما بّعدشي

و ب أتأسف على التأخير

و أحلامي
اللي حافظاها
ب أكررها
بشوق جارف
في دنيا
أنت جواها
ب تغفر لي ..
و ب تخالف
فلو حبي بقي سجنك
فقلبي هو سجانك
يقربني بشوق منك
و يرميني في أحضانك

و ب أتأسف على التأخير

و قلبك
لما صالحني
و حايطني
على حبك
يا ريتك
لو تسامحني
و تسمع
مرة من قلبك
هـ أنادي لك
و نبعد فوق
و نتصالح
يا شوق الشوق

و ب أنأسف على التأخير

بُ أَحَبُّكَ
لَمَّا تَهَوَّانِي
و تَرْسَمْنِي
حُرُوفَ شَعْرِكَ
بُ أَحْسَنَ الدُّنْيَا
شَايِلَانِي
و طَائِرَةَ بِي
عَلَى أَمْرِكَ
غُرُورِي ..
أَنْتَ سَطْرَتِهِ
و بُ أَفْرَحَ بِيهِ
و حَبِي لَمَّا فَجَّرْتَهُ
لَقَيْتُكَ فِيهِ

و بُ أَتَأْسَفُ عَلَى التَّأْخِيرِ

ب أغار ..
وناري في مكانها
ما أنا إنسانة
ب تعاني
و غيرتي ..
اللي مكنها
عذاب الهجر يا أناني
و كان نفسي تصافي لي
و تسمع مرة
صوت قلبك
ه تعرف إنه صافي لي
لأنه عزّني بحبك

و ب أتأسف على التأخير

أنا برضو
ب أقولها لك
كفاية يا قلبي
و أسمعني
حبيبك لو في يوم باعك
ه أبيع ه زي ما باعني
راح أقفل
قلبي ع جراحه
و ه أتالم
و مش ه أستنا
في پراحه
أو أستسلم

و ب أتأسف على التأخير

أنا لو سارقة أنفاسك
حياتي
لمحة من شوقك
ولو خلتني وسواسك
فخد ..
حبلك
و خد طوقك
أنا أتمرّدت
على سجنك
فمش فارق
إذا قربتني منك
أو تفارق

وب أنأسف على التأخير

ولو تبعدني
عن قلبك
هـ تلقاني
في إلهامك
أنا طيفي
بقي منك
و شمسني
صُبح أيامك
هـ تتمناني
ليل و نهار
و تستنا لي
أي قرار

و ب أتأسف على التأخير

أهوو
قلبي هرب منك
يا ريت تقدر
في يوم تنساه
في لحظة ضعف
تاه منك
و سهاني
و مش لاقياه
ف دّور لي
على روعي
و خلصني
من جروحي

و ب أتأسف على التأخير

بُ أَحَبُّكَ مَوْت

للشاعر / عبد القادر عياد

بُ أَحَبُّكَ مَوْت
و بُ أَتَأَلَم
ومهما تكون
بعيد عني
ومهما الهجر بعدني
هـ أَعِيشْ و أَحْلَمْ
و مش هـ أَنْدَمْ
ف يَوْمَ إِنِّي
بُ أَحَبُّكَ مَوْت

بُ أَحَبُّكَ مَوْت

و تلقاني
على مرايتي ،
سريري ،
مخدتي ،
كتابي ،
بروجي . .
مسطرة حكايتي
و ب أحكيها لأصحابي
ف عرفوها
و حفظوها
كلام و سكوت

ب أحبك موت

ما أنا اللي
خلت نجومك
في عز الضهر
تحميها
و نار العشق
من يومك
ساييني ..
ب أتكوي بيها
ف ينده
من بعيد قلبي
و يشكي لك
ألم حبي
بصوت مكبوت

ب أحبك موت

عينيّا ..
م البكا دابوا
وبحر الدمع
ودعها
رموشي
بعدكم سابوا
ليالي الحب
تخدعها
ف تبعت ألف أناية
وترسمها لنا في حكاية
ع ورقة توت

ب أحبّك موت

أنا مش عارفة ..
أعتب لك
ولا من حبي ..
أشكي لك
في لحظة صدق
ب أكتب لك
حكاية في مواويلك
ف مش ه أشكي
مواجه عشق زنانه
ولا ه أحكي ..
رواية حب و خيانة
حياة أو موت

ب أحبك موت

في حُبكِ ..
عمري ما أستتنا
للوم الناس
أنا أشواقني
ليك أكبر
من الإحساس
هـ أعدي الخطوة
علشانك
وأسيب القلب
في أحضانك
ف أوعى يموت

ب أحبك موت

حبيب عمري
حمامك طار
و ساب شوقي
على مـره
أنا قلبي
دليله أحتار
و ضيـع
في الهوى عمره
فمش ممكن
ولا يمكن
يفوت الفوت

بـ أحبك موت

بُ أَحَبُّكَ مَوْت
و بُ أَتَعْلَم
و مَهْمَا الصَّبْرُ نَسَانِي
و مَهْمَا الْقَلْبُ يَتَأَلَم
بُ أَقُولُهَا لَكَ
و مِنْ تَانِي
بُ أَحَبُّكَ مَوْت

بُ أَحَبُّكَ مَوْت

أنا عاوزاه يا دوب يحس

للشاعرة / ميار مجدي

-1-

شوفتك أنا
ألفين سنة
و أنتي فاردة
جناح أمانك
ع الدول
و أنتي حاضنة
كل نور
جاي م القمر

أنا عاوزاه يا دوب يحس

-2-

يُحكى أن كنتى جنة
مرآة ب تعكس أحلامنا
وتعامد الشمس عليكى
وكواكب دائرة حواليكى
وكانك حور
ما قدرتش أثور
على أساطيرك
ما قدرتش حتى أغنيها
ما قدرتش ألاقى
الجملة اللي
اقتل بيها خفافيش ليك
فاستسلم قلمي لواقع مُر
وأنا كنت مُصير
إنى اكتب " مصر "

أنا عاوزاه يا دوب يحس

-3-

أنا كنت مُصير
أنى اكتب مصر
إصرار خدنى
ولدنيا الجلد
والقلم اللي
في أيدي ب يترد
على خد تاريخنا
وحد السيف
ما قبلتش أكون
يا حبيبتي ضعيف

أنا عاوزاه يا دوب يحس

-4-

ما أنا الجندي
اللي لملم جسمه
من ع الأرض
وأنا الحارس
في ليل ساكت
ما بيرددش غير اسمك
وأنا اللي ذكرني
كل زمان
بأنني . . خير جنود الأرض
ما عاش اللي
هـ يقطع مني شريانك
ويوصل حبل أفكاري بأحزانك
ويقتل فيا كل حنين

أنا عاوزاه يا دوب يحس

-5-

حبیبتی مین انا فیکه
ب یجری دمی جواکي
ب تسقی بیه
أراضیکی
ب یطرح لیا
شوق مسجون
بقیت مجنون
وعاشق للعذاب منك
و ب اتداری
فی کام فکره
ب تملانی
ظنون ناكرة
و ب تداوی آثار ظنك

أنا عاوزاه یا دوب یحس

-6-

مع العلم ان انا منك
ولا في من عذابى مفر
وه ادعيلك بصوت عالي
و ب يداري
الصداء جواه
تلاقى اللي يصون عهدك
عساه يعدل ما بينا عساه
وما يكونشي لقلمه أضطر
راح ادعي لك بصوت عالي
تلاقى المهدي مستني
يغير فيكى جواكي
ولا يسيب غير ملامحك بس
ومش لازم يكون فاهم
أنا عاوزاه يا دوب يحس

أنا عاوزاه يا دوب يحس

-7-

نحس اللي
بقاله سنين
ب يترجم لي على الأوراق
ويمسح دمة المشتاق
رجوع أرضك
ويخلق بكرة من صورتك
يلونها بلون الطيف
و ما يكونشي
حبييتي ضعيف

أنا عاوزاه يا دوب يحس

-8-

ب أحبك حتى رغم الجرح
وب أحلم دائما إنك فرح
وحلمي تمللي
كان مخنوق
لكنه حبييتي أول حلم
فميش عاوزه
أنني منه أفوق
و ب اسكت
والسكوت أخرس
وصوت الحق
في العالي
ومع انك وجع مكتوم
تمللي ألقاه
ب يحلا لي

أنا عاوزه يا دوب يحس

-9-

في زحمة سوق
وأزمة عيش
في عطلة كتير
على الكورنيش
في وسط خناقة
في الشارع
و واحد قال
أنا ماشى ومش راجع
رجع ثاني
وانا لسه ما طلعتش
جمل ياما معاندانى

أنا عاوزاه يا دوب يحس

تعبت كثير .. أنا بعدك

للشاعر / عبد القادر عياد

أنا بصيت
على صورتك
ساعتها بكيت
ولمّا الناس ..
جابت سيرتك ..
أكيد حنيت !
مشاعر ..
خدتها منك
و عن حيرتي
بعيد عنك
لقلبي حكيت !

تعبت كثير .. أنا بعدك

أنا إحساسي ببيك عدا
عن العادي
و قلبي لما يفتكر
يكون هادي
وأشواقي . .
أما تنده لك
و أحلامي . .
إني ليك أهلك
لو استنيت

تعبت كثير .. أنا بعدك

و تشتاق لك
عيوني كثير
ألاقي الدمع ..
كحلها
و تنده لك
شفافيفي بشوق
حياتي أنتَ رحالها
تعالى يا قلبي
جمّعنا ،
و رجّعنا ،
ليوم ما بديت

تعبت كثير .. أنا بعدك

ب أقول أنساك
ترجعني ..
حكاوي الآه
ولما الحب يوجعني
أقول الله
ليالي السُّهد ..
عشناها
وأحلامنا اللي ..
سبناها
وليها شكيت

تعبت كثير .. أنا بعدك

ما تبعثشي
فراق تاني
يصحيني ،
ما تسمحشي
لأحزاني
تعزيني
تعبت كثير ..
أنا بعدك
وعشت الوحدة . .
في بُعدك
ولا أنيت

تعبت كثير .. أنا بعدك

أنا ب أترجى
أقداري
هـ تشفع لي
و مهما تعدي
أسواري
هـ ترجع لي
تعيد القصة . .
من ثاني
و تدخل كل أزماني
اللي بيها . .
خليت

تعبت كثير .. أنا بعدك

هـ تتحايل على ..
قلبي
ينفض لك
و تتمنى ..
يعود حبي ..
اللي كان فاض لك
و تتأسف ..
على الجفوة
وتحلف ..
إنها هفوة
تغني يا ريت

تعبت كثير .. أنا بعدك

خلاص إنسا
كلام الشوق
و سيبك
م الأمل
والطوق
و م التشتيت

تعبت كثير .. أنا بعدك

أنت الحلم الشارد مني

للشاعر / عبد القادر عياد

أُتلمينا ..
أحنا الكل
خدنا قلوبنا
و طيرناها
فراش يهل
يهمس ليكم
لو ه أنموت
برضو ه نفضل
نصرخ فيكم
إحنا الأهل !

أنت الحلم الشارد مني

أيوه أنا عارفة
إني ه أموت
حلم راودني ..
كتير في سريري
كنت بأعدي
مع أصحابي
و ب يدهسنا ..
قطر الميري

أنت الحلم الشارد مني

حتى في حلمي
برضك جاحد
وسط الحصر
لكن ..
أصعب حاجة في حلمي
إنك واحد ..
من ركاب القطر
نفس الهية
نفس الصوت
حتى الريحه ..
نفس العطر

أنت الحلم الشارد مني

كنت بـ أحب ..
تحسك عيني
أيوه ..
بـ أحب
أستنى خطاك !..
أسأل عني ..
أعرف إني
سبت في غلطة
القلب معاك

أنت الحلم الشارد مني

عدت مني سنين
و سابتني
وسط الذكرى
ضاع أمبارح ،
تهنا في بكرة
و أنت الحلم الشارد مني
وسط خيوط الليل الناكرة
و أما أتتحقق ..
صار الموت الجامع لنا
ب يفرقنا في لعبة
و يفرقنا في جد
ياه يا لواقع
شارخ فينا فوق الحد

أنت الحلم الشارد مني

فاكر ..
وأنت في سائة
لما سرقت القلب
كنت ب تعمل ظابط
و ب تقتلني
وأنا سنة رابعة
فات عمريين و التالت
قبل ما أموت على أيدك
في ميدان رابعة

أنت الحلم الشارد مني

(فضوا اللمة) ..
أسمع صوتك
قلبي في صدري يفظ
ب يتدلل ..
و ب يتخيل نفس الضمة
(يا الله كفاية)
نفس الصوت الشارخ
كان جوابا
عمر بحاله
كنت أستنا تعود لوفايا
عاد ما فرقشي
أيوه أنا عارفة ..
إن الموت ما بيفرقشي

أنت الحلم الشارد مني

ب توحشني حبيبي كثير

للشاعر / عبد القادر عياد

ب توحشني
حبيبي كثير
ب يوحشني
كلام قلبك
في أول ساعة
من ليالك
و ب أتمنى
أكون جنبك
نجوم الليل
ب تشجينا
و نحكي لها
و نشكي لها
تجمّعنا خطاوينا

ب توحشني حبيبي كثير

ما بين سهدي
و بين سهديك
ب أغني لك
لأول دقة من قلبك
أنا دي لك
حبيب عمري
أنا ما نسيته شي
ولا مرة
بعيد عنك
حياتي كلها مرة
أنا قلبي تعب دقات
و ب أنتظرك حبيبي ساعات

ب توحشني حبيبي كثير

ب توحشني
و يوحشني
صدى صوتك
و عاشقة الصمت
في سكوتك
حبيبي
كثير ب توحشني
و أنا جنبك
و أنا عايشة
براح حبك
حبيب عمري
أنا ما نسيتشي
ولا مرة
بعيد عنك
حياتي كلها مرة

ب توحشني حبيبي كثير

حياتي كلها قريك

للشاعر / عبد القادر عياد

و ب أشتاق لك
أفكر في ليالي زمان
أعيد الذكرى من ثاني
و تشهد كل أركاني
دولابي
مرايتي
تسريحتي
شعوري
سعادتي
أحزاني

حياتي كلها قريك

حبيبي واحشني
بأشتاق لك
ب توحشني وأنا وياك
ولما ب تمشي
و تسيني
ب تلقاني معاك هناك
و مهما الوقت بعدني
حياتي كلها قربك
ما تقدرشي
تودعني
ولا ب أقدر
على بُعدك

حياتي كلها قربك

حبيبي
أوعى تنساني
وأعرف
إنني ب أهديك
في غربة جوه أحزاني
أمانة بجد
غالية عليك
هأسيب قلبي
أمانة معاك
وأنت أياه تديني
عذاب
وحفنة من أشواك
فراق و حزن يدميني

حياتي كلها قربك

أمانة ..
القلب محتاج لك
ما تقساشي ..
حبيبي عليه
و دايمًا قربه منك
و أوعى الغربة
تلعب بيه !
أنا برضو
ما ليش غيرك
ما تقساشي
على طيرك
و فكر فيه

حياتي كلها قريك

أنا قلبي
معاك وردة
ريحتها
العطر في ظهورك
و يهمس لك مع النبضة
ب أحبك حتى في غرورك
ما أنا عاشقة
و ب أشتاق لك
ب توحشني ..
ف بأسبق لك
و أعيش الحلم
في حضورك

حبيب قلبي
رسالتي إليك
تسطرها
دموع العين
و تبعتها
عواطفي إليك
شعور صادق
لقلب حزين
أنا فعلا
حبيب قلبي
بأشتاق لك

حياتي كلها قريك

هـ تتغَيَّر

للشاعر / عبد القادر عياد

هـ تتغَيَّر .. ب أقولها لك
و هـ تعيد
اللي ما عرفتوش
أنا مش خايقة م الآتي
و مش عاملة
لبكرة حساب
أنا خوفي
إن عندك زاد
حياتي معاك
بقت بميعاد
فمهما الوقت بعدنا
ب أقولها لك هـ تتغير

هـ تتغَيَّر

هـ تنسى إن أنت
يوم حنيت
و حيرتي بدت
في يوم ما بديت
لأن الحب ب يحير
هـ أقرر إن أشواقى
بقت صعبة
و إن القلب مش لعبة
لأن حياتى مش واقفة
على كيفك
ولا نقطة
ف محيط زيفك

هـ تتغير

أنا راجعة
ب سهد ونار
وفكر شريد
سنين خايقة
و واخداني
لحلم عنيد
عائش جواك
ما عمره يوم
هـ يتحقق
ولا هـ أرجع
في يوم لهواك

هـ تتغير

تصدقني

للشاعر / عبد القادر عياد

تصدقني
ما كانشي
يومي م الأول
ب أكررها
و حتى البنت
مش فارق
معاها تحب
ولا ب تخاف
من الأيام
ولا من حد
يكسرهما

أنا عن نفسي
بعد الجرح
لو حبيت
أحب جديد
هـ أفكر فيها
وأحسبها
وأعيد حساباتي
من ثاني
ما ليش غير نفسي
أكسبها

تصدق ..
إني أحسن لي
أعطي وحدي
في الأوضة
بدل م أفضل
معاك على جنب
أعد لقلبي كم دقة
سواء قاصد
ب تجرحني
سواء لا
ما فيش داعي
تحس بذنب

ما فيش مانع
من الوحدة
وجودك كان
يا دوب شكلي
مجرّد كلمة أزيك
صباح الخير
وحشتيني
عيونك
لما تضحك لي
كلامك
لما يرشيني

كمان يمكن
ما حبتنيش
لكن عادي
مالكشي ملام
أنا والله هـ أقدر أعيش
وأكمل بعدك الأيام
بدون مـ أحزن ولا أشتاق
لازم تعرف
بـ إن الوحدة
أفضل لي من الأشواق
و من قصة آخرها فراق

ب أستنظرك

للشاعر / عبد القادر عياد

ب أستنظرك
و عارفة إنك
راح تغيب
لكن برغم البعد
راجع يا حبيب
عدت ليالي
بالساعات
و القلب لسه
في انتظار
الدنيا ماشية
والثبات
ماسك حياتي بالقرار

ب أستنظرك

ب أستنا فيك
يا أغلى حب
ب أستنا بالشوق و الحنين
ب أستنا فيك
مع دق قلب
ب يحس بيك زي الجنين
آياك تغيب مستنياك
آياك تسبب قلبي هناك
لسه ف حياتي فراغ كبير
أمتا حبيبي تشغله ؟
وسط الآهات
و الذكريات
الجرح لسه في أوله

ب أستنظرك

مستنياك
إنك تعود
و تحس بيا و الألم
للقلب من غيرك حدود
متوزعة
وسط العدم
أرجوك تعود
دوس ع الغياب
أرجوك تسيب
وقت الحساب

ب أستنظرك

الحضن خايف
م البعاد
يملاك فضا
و القلب عايش
ع الميعاد
نفس الرضا
ما بقاش فاضل لي
غير خيوط الذكريات
ما بقاش شاغلني
غير آهات

ب أستنظرك

القلب برجوعك
خلاص
لا بد هـ يد اوي
الجراح
لو عدت
هـ يعود الخلاص
الدنيا يملأها
البراح
بـ أستنظرك
لازم تعود

بـ أستنظرك

و ب الإقناع

للشاعرة / خلود سغود

عشانك
قبل علشانى
عشان موجهة
أنا زيك
راح أفضل
وحدي في مكاني
أداوي بالسكوت كيك ..
وأطقي جروح
برغم إني في إمكاني
أقول إنه
ما فيش زيك
وأقول إنك
دوا للروح

و ب الإقناع

ب أقول لك
إن قلبي كمان
ده كان مقفول
وجه اليوم
اللي أقابلك فيه
و يفتح قلبي
وحده الباب
و كل اللي
منعته زمان
بقى دلوقتي
شيء مسموح
لكن برضو أنا قلبي
يخاف إنه في لحظة بيوح . .

ب أقول لك :
عمري بجراحه
وأفراحه
يا عمري . . فداك
ده أنا لو ممكن أحكي لك
حاجات تانية
تقول لك :
قد أيه ب أهواك
ولو حتى بعيد عني
أنا روعي ب تستناك

ده حتى الساعة
في الدنيا
ب أعيشها
في جنتك ثانية
كمان النبض
جوايا ب يتمناك ..
حاجات يا ما
لا يمكن يختصرها كلام
لكن قلبي أنا خايف
من الأيام ..
و من إنني أحس في يوم
ب إن ده كله ..
كان أوهام

كأن الدنيا دي قادرة ..
تجرّح قلبنا بإبداع
وتجبرنا ..
نخاف من بعض
وتبعدنا و بالإقناع
كمان حكايتنا
مش معروفه إن كانت
نهايتها
نكون مع بعض
ولّا ضياع
ولو حتى وعدنا في يوم
فهل ممكن ننفذ وعد
أو .. ه نقاسي مُر وداع ..

بدون تبرير

للشاعرة / خلود سغود

ما شو فتش يوم
قلوب حبّت
بخوف أو ضعف
ده كل اللي
فضل خايف
طلع راكن
كدا قلبه
ع طول عالف..

بدون تبرير
طبيعي
و منطقي جدا
بأن اللي
ب يحب بجد
مشاعره
ب تسبقه فعلاً
و تلقى ملامحه ،،
سابقة الرد

بأحن ..
وكل حاجة بوقت ..
ولو حتى ..
مشاعري جت ،
يا عمري ..
مرة متأخر!
فأنا .. عاشقك ،
بقولها لك ..
أنا دلوقت ،
ما تتعبشي
ولا تفكر ..

وَأَنَا عِلْشَانُكَ
أَنْتَ اتْعَبْ
وَأَتَجَمِّلْ
وَأَتَحَمِّلْ
وَأَقُولُ حَبِيتْ
وَأَعِيدُهَا لَكَ
وَأَزِيدُهَا لَكَ
وَلَوْ حَتَّى
الْكَلَامِ طَوَّلْ
هَ أَقُولُهَا كُلَّ يَوْمٍ
أَكْثَرَ مِنْ الْأَوَّلِ
وَلَا مَرَّةً
هَ أَقُولُ مَلَّيْتُ

حروفي كلها برضو
ب تتشكل عشانك بس
و تترتب في أجمل
لحن يتغنى..
و أجمل غنوة يوم تتحس
حروف
بالفطرة مخلوقة
و شايقة في سكتك مشوار
وحالفة تكون ، معاك دائما
ولا يمنعها يوم عنك
صعوبة ظرف أو أسرار..

عيوني
كل ما تشوفك
تبان واضحة
وفرحانة
كلامك كله
وسكوتك
حاجات خلّتني
سرحانة
وب أحلم لو أعيش
بكرة
وأنا بيهم
وفيهم بس . . غرقانة

الكلام كله انتهى

للشاعرة / خلود سغود

ما تحاولشي
تخللي قلبي
في يوم يحبك
ولا حتى
يكون شاريك
قول لي شيء
يغفر خيانتك
جايز ابقني
في يوم عليك
جايز ألقى
قلبي فاكرك
بعد ما أصبح
ناسيك

الكلام كله انتهى

الكلام كله انتهى
واللي كنت تقول
حبيبتك
ليه في لحظة
خنتها !!
ليه تشوف نفسك
في غيرها
ليه تقول
إنك فاكرها
بعد ما أنت
ظلمتها !!

الكلام كله انتهى

كل أعذارك
قصادي
حاجة تشبه
للرماد
حاجة باهتة
لونها يادي
حتى أغمق
م السواد

الكلام كله انتهى

أنتَ حاجة في قلبي ماتت
من زمان ،
ف انسي إني
في يوم أسامحك
ولا أديك الأمان
قول لي قاسية
قول لي ظالمة
ما اللي زيك
قلبي .. نور زايد عليه
و أنت كدبة
في حنة ضلمة
الغرام . . دا خسارة فيه

الكلام كله انتهى

حلمك اللي بالأمانى
كنت سهران ترسمه
النهاردة و ف ثوانى
جالك اللي يهدمه
كلمه منهم
كلمة منك
جبتوا آخر ذرة فيه
و أنت بس
يا دوب فاضل لك ..
خيط ضعيف تتحامى فيه
لجل ما تحقق في حلمك
حتى آخر جزء ليه

الكلام كله انتهى

أما عن ..
سهم المحبة
اللي كنت بتسحبه
جّوه قلبي
حبة حبة ..
النهاردة
أهو أّسحب !
والوجع !!
ده ما كنش أبداً
حاجة صعبة.

الكلام كله انتهى

مستنية

للشاعرة / خلود سغود

مستنية
أنا كل شوية
تقول لي إنشاء الله
صباح الخير
فات الصبح
و عدا الليل
وأنت يا سيدي
بدون تبرير
واضح إنك
عاشق حيرتي
و عاشق حيرتك
و المواويل

ما استسلمتنيش
أبداً لكن ،،
أملني تملي
بأحسه كفيف
خايفة ليبدأ أو يتعلق
يرجع ضائع
يرجع تايه
يرجع م الخذلان
بنزيف
و الخذلان
مش محتاج أبدا
للتعريف

اسمي كأنه
وردة في جنة
ما فيهاش حاجة
إلا ورود
الأوجاع كلها قدامي
حاجة ضعيفة
ما لها وجود
أنا ب أتمنى نرجع ثاني
قمرة ونجم
جامعهم ضي
و الأيام تعدي ثواني
يرجع قلبي بحبك حي

ع الموعد

للشاعرة / خلود سغود

ع الموعد وبالتحديد
في وقت ما كنت
أنا ناسي
لقيت الذكرى ب تفتّح ..
و قاصدة تاخذني
من ناسي
و تخطفني
لسابع أرض
و ترميني في دوامة ..
بدون أي احتمال
أو فرض
سابتني الذكرى في ملامة

تقوم فاكر
خلاص إنك
بقيت فرحان
ف تتفاجئ
في آخر اليوم
بأنك بالدموع
غرقان

أنا فرحانة
و ماحدث
عمل مهتم
بقيت ندمانة
أنا فعلا
عشان خلّيت
في يوم عندي
شوية دم..

فيه ناس
عيرة
وجودهم وحده
دا حيرة..
يخلو التلج
دمه يفوووور ..
حقيقي بجد
ناس فاضية
وعالم فالصو
عايشة الدور

من طبعي

للشاعرة / ميار مجدي

ب أقول لك أياه
أنا من طبعي
أسمع لك
تزعلني وأرجع لك
تجدد فياً أحزاني
و مين غيري
هـ يسمح لك
أنا لو منك
أسرقني
و أشوف لي
حد يلحقني
قبل ما يقسى
قلبي عليه

من طبعي

كلام الحب
ليه معانيه
بلاش أنت
تكلمني
وتوصفني
و ترسمني
شعور ياما
أخذت عليه
عشان الحب
ده مرايتي
عكس لي الكُره
في حكايتي
و بحر الكذب
اغرق فيه

من طبعي

ده صوت صمتك
مسمعني
كلام قولته
ب يوجعني
فخد صوتك
و إحساسك
و شيل رجوعي
من راسك
و أیه فاضل
کمان بینا
ییکینا
و نیکي علیه

من طبعي

لا تسمعني
ولا أسمع لك
لا ترجع لي
ولا أرجع لك
ده أحسن لي
وأحسن لك
تسيب قلبي
اللي يشفع لك
وسيب لي
بكرة
أفكر فيه

و طيفك
لَمَّا لَوْنَت السَّما بغناه
و بان لونها
و كان أسود
كَأَنَّكَ تَهْتَ جَوْه فُضاه
حاولت كثير تغيرني
و تعمل مني
حساسة
كلام مرمي
في كراسه
كفاية إنك
ب تبكي عليه

تشوف لك
حد يتمنى
و يبقى لك
و يتهنأ
وسيبني لقلبي
أستنا
أعيد حساباتي
من تاني
أرجع ليأ أزمانى
فى صفحة حبك
السودة
راسمنى ليه
أنا الجانى

آه . . أتغيرت

للشاعرة / ميار مجدي

أيوه أنا حاسة
إني أتغيرت
يا ما صبرت
عليك وسامحت
بعد ما فيا
كثير جرّحت
شوفت القسوة
ب تعمل أيه
سبت الكدبة
ب تكبر ليه
أيوه ب أقولك إني ندمت
لازم تعرف إني غلطت
و ب أقولها لك أتغيرت

آه أتغيرت

أيوه أنا ياما
الحب أديت لك
برضو في حبك
يا ما خسرت
كنت عايزني
أعمل أيه
لما في جرحي
نسيت و سرحت
لازم قلبي
أقسي عليه
لما لاقتني
ب أضحى عرفت
أيوه أنا حاسة
إني أتغيرت

آه أتغيرت

سبت الحب
و سبت مشاعري
شلت الوردة البيضاء
في شعري
حتى دماغي
كمان كبرت
لو بصيت
الفضل يدوم لك
لما في حبك استسلمت
حتى في قلبي
الجرح يعود لك
مهما عشاني
لو أتألمت
برضوب أقولك أتغيرت

آه أتغيرت

آه أتغيرت
 ب أكتبها لك
 و ب أعيدها لك
 عمري في يوم
 ما ه أصدق قلبك
 مهما تعاتب
 أيام حبك
 ما سيكت حبي
 و أنت سيكت
 اسأل قلبك
 هوّه يقول لك
 كام كدباية
 عليّا كدبت
 علشان كده
 أيوه أتغيرت

آه أتغيرت

مشيت خلاص

للشاعرة / ميار مجدي

قدرت يعني
و سبتني
و مشيت خلاص
لو رحت
مين هـ يهمني
مين يستعيدني
و يستعيد ب تحبني
ده أنا نفسي بعدك
جوّه مني ب أهدني

مشيت خلاص

أنا ب أشتكي لك
كل شيء
قال لي أحزني
أنا صورة منك
جوه قلبك
ضمني
خدني معاك
الدمع بعدك
ذلني
حقيقي
والله وحشتني

يلا معايا
كنت ب أتمنى تقولها
لحظة لقايا
يا ما نفسي تفتكرها
سالت دموع عيني عليك
لسه ما ردتشي سؤالها
أنا بس أيه
فكرني بيك
كلمة لروحي
ب تناديك
ساييني ليه
الدمع بعدك ذلني
حقيقي و الله وحشتني

يا للي الفراق
بعدني عنك ذلني
زعلني منك
قلّ صبري وقلّني
بعدك ما فيش
ولا أي حاجة تسرّني
تحلا لي حتى
لوفي حلمي
تخلق لقلبي
حل سلمي
الدمع بعدك ذلني
حقيقي والله
وحشتني

مشيت خلاص

يا حبيبي
أنا لسه ب أبكي
غصب عني
أنا في غيابك
كبريائي ب ينحني
ب أودعك
يا نفس أبقي
وأثبتتي
كنت توأسيني لم أحزن
أسكتي
يا حبيبتني لسا يا معاكي
يا حبيبتني
ليه ب تعيطي

فاكرة كلامك
لسه باقي
أزاي رضيت
بس بفراقي
وَأزاي هـ أعيش
بعدك حياتي
أزاي هـ أواجه قسمتي
مش عارفة أقول لك
بس آيه
والبعد كيف
هـ أصبر عليه
حسادنا غنوا يا فرحنا
لما أنطفيتي يا فرحتي

خلاص سيكت
و بكيك عليك
من حرقتي
أنت بعدت
طب مين
هـ يمسح دمعتي
لازم هـ نتقابل حبيبي
و هـ أعيش معاك
في جنتي
أيوه هناك هـ يكون نصيبي
و هـ تشاركني فرحتي
ده أنا بُعدي عنك ذلني
و الله حبيبي وحشتني

الكلام تاهت ملامحه

للشاعرة / ميار مجدي

الكلام بينا انتهى
الحروف أتلجمت
استسلمت للمنتهى!
أتلونت كل المشاعر
جوّه منى بالخذل
أتجردت كل المعاني
م الأمل

الكلام تاهت ملامحه

السطور أتقيدت
الكلام تاهت ملامحه
الأنين بعينيا لامحه
من بعيد . .
ب يهديني
من عز نومي
يقول لي قومي
من أحلى حلم
يردني

انسى ..
إحساس الندم
لو ه أسامح ..
قلبي جارح
نفسه بيك !
لو ه يذنب ..
كل ذنبه
انه لحظة
اشتاق اليك !!

مش ه يعتب
مش ه يخضع
كل دمع ..
وله سبب
والسبب ب نجمله
و ب أحلى شعر
والجمال ..
قشرة ذهب

أوعى تنكر
إن عندي
حب أتقل م الجبل
والجبل ما يهزه ريح
بس جرحك هزني
مل منى . .
و ملني
عقلي .. فكره شلني
والحب جواي أتغلب

الكلام تاهت ملامحه

ايوه ح اتعلم ما احسش
و إني أضحى
بأي حاجة
لوح أحب
الحب يعني
حلم مليون بالسذاجة !
حب يعني .. أي حد
والمشاعر
لو ه تكبر
بيبقى يتحط لها حد

إنسا إنك
يوم تكمل
لو تموت
هـ تلاقيني
برضو مت
رغم عشقي
ليك بعدت

تصارحني

للشاعرة / ميار مجدي

تصارحني
و مني إليك
تسيبيني أحكي
في مرة عليك
و تسمح لي
أقول حاجة
أنا تفكيري
ما بقاش فيك
و بعد
بجد محتاجة

تصارحني

و تسمح لي
تسيب عينك
ف تلمح لي
و سيب الصورة
توضح لي
تزعلني
تفرحني
أنا مش عاوزه
قلب جبان
يتوهني
أنا حبيت
صراحتك يوم
بلاش فيها تكرهني

هـ تحكي لي
ده لو يعني
هـ تسمع لي
و هـ تقول لي
عشان فعلا
تريحني
ما حبتكيش
ولو كانت
هـ تدبحني
ف قولها لي
و قول للحب سامحني
يا ريت ما تجيش

تصارحني
وأيه يعني
ولا تبكي
ولا تشكي
ولا على قلبي
توجعني
أنا برضو
ولو قلبك
بعد عني
ولو باعني
ما غيرنيش
كلام و سكوت
ما قولتش ليك
بأحبك موت

تصارحني

ما عنديش أيد
هـ توجعني
ف ريحني
و قول نبعد
عشان لازم تصارحني
لو دماغني
في يوم تعند
هـ أسيبك للدموع تجني
ف تسمح لي
جوابك يوم هـ يوصلني
و ما أعرفشي
ساعتها أيه هـ يحصل لي

و لو قولك ما حبتنيش
 و لو سألوني من تاني
 ف قول لي أزاي
 هـ يبقى ما فيش
 آهاتي لسه بـ تعاني
 و مهما أحكي و أغني يا ليل
 كلام يا ما و ما يكفيش
 و لو حبت دموعي تسيل
 كفاية يا عيني ما تبكيش
 ف صارحني
 عشان فعلا تريحني
 و قولها لي ما حبتكيش
 و لو كانت هـ تدبحني

كفا يا كم

للشاعر / عبد القادر عياد

كفا يا كم
حسد و فضول
كفا يا كم
ألم على طول
ما عدتش قادرة أستحمل
ما عدشي القلب يتحمل
فتحتوا الجرح ع الآخر
و دستوا بقوة
فوق الجرح
رسمتوا لنا
بلا توه ساخر
دبحتم فينا طعم الفرح

كفا يا كم

سیونا
 لو سمحتوا بجد
 حقیقی
 لو کرہنا کم
 کرہنا نستعین بجد
 سیونا
 دا آہنا سینا کم
 مکانکم
 کان کبیر فی القلب
 فسبتوا الغل مکنکم
 مسحتم
 کل لحظة حب
 ودمرتم أماکنکم

الشاعر في سطور

- الاسم / عبد القادر عيد عياد
- اسم الشهرة / عبد القادر عياد
- حاصل على ليسانس آداب وتربية
- يعمل بالتربية والتعليم
- عضو إتحاد كتاب مصر
- رئيس نادي أدب العريش
- رئيس النادي الأدبي المركزي بمحافظة شمال سيناء
- رئيس الصالون الأدبي بمركز شباب بالعريش
- نشر في العديد من الجرائد والمجلات في مصر والدول العربية
- مثل المحافظة في العديد من المؤتمرات الإقليمية والعربية
- عضو سابق لأمانة مؤتمر أدباء مصر وأمانة إقليم القناة وسيناء أكثر من مرة
- فاز بالعديد من الجوائز والمراكز الأولى على مستوى الجمهورية
- فاز بالعديد من الدروع بالمحافل الأدبية والمؤتمرات الكبرى

الفهرست

۳	الإهداء
۵	و ب أتأسف على التأخير
۲۱	ب أحبك موت
۲۹	أنا عاوزاه يا دوب يحس
۳۱	تعبت كثير أنا بعدك
۴۶	أنت الحلم الشارد مني
۵۳	ب توحشني حبيبي كثير
۵۶	حياتي كلها قربك
۶۲	هـ تتغير
۶۵	تصدقني
۷۰	ب أستنظرك
۷۵	و بالإقناع
۸۰	بدون تبرير
۸۶	الكلام كله انتهى
۹۲	مستنية
۹۵	ع الموعد
۹۹	ومن طبعي
۱۰۵	آه أتغيرت
۱۰۹	مشيت خلاص
۱۱۶	الكلام تاهت ملامحه
۱۲۲	تصارحني
۱۲۸	كفاياكم
۱۳۰	الشاعر في سطور
۱۳۱	فهرست

صدر للشاعر / عبد القادر عيد عياد

- ١ - الفارس و المدينة
 - ٢- العودة
 - ٣- ابتعدي عن روضتي
 - ٤ - منى القلب
 - ٥ - أحلام
 - ٦- قيس القرن العشرين
 - ٧- و تغيرت يا قدس فيكِ معالمي
 - ٨- أوجاع شمالية
 - ٩- السقوط في فواصل الذهب
 - ١٠- هروب ألي العشق
 - ١١- خلاص ح أبعد
 - ١٢- السيجة
 - ١٣- ما زلت لون البحر
 - ١٤- ب أحبك موت
 - ١٥- عاشق ب قلبين
 - ١٦- ما تحاولشي
 - اعتذاري
 - ١٧- بقية من سفينة نوح
 - لأول مرة
 - ١٨- ب تدبح موت
- ديوان شعر
أشعار بالعامية
ديوان شعر
ديوان شعر
أشعار بالعامية
ديوان شعر
ديوان شعر
أشعار بالعامية
أشعار بالعامية
ديوان شعر
مناظرة شعرية
مناظرة شعرية
- تشاركي مع خلود سعود
تشاركي مع ميار مجدي
أشعار بالعامية

تحت الطبع / صرخة انشقاق
رقم الإيداع /
ترقيم دولي /
العنوان / العريش - حي آل جرير
ت / ٠١٠٠٧٧٧٦٠١٧ — ٠١١١١٩٥٦١٣٤
بريد الكتروني / kader1265!@yahoo.com